

TE MAU HAPE E TANO IA FAAAFAROHIA

TE FAANAHORAA O TE MAHANA

Aita teie aratairaa e manaò e hōroà i te tāatoàraa o te mau tuhaa o te mahana, e faahio-noa-raa teie i te tahi mau vāhi i pinepine ai te hape i roto i te parauraa e te taata.

Te mahana. Te tiàrama ia o te ao, oia te rā; te tāatoàraa o te taime e ltehia ai ta ua tiàrama ra, mai to na hiti raa mai e tae atu i to na toparaa.

Te poi-poi. I roto i te tiaturiraa a to tahito, e pohe te taata i to na mahana fānau raa, oia hoì e tūāti ihoā te hopeāraa i te haamataraa i roto i te oraraa o te taata i fātata i te pohe, e parauhia o ia : e tiai poi. Te poi-poi ra, te haamata-āpī-faahou-raa ia : ia pohe atu te pō e hiti mai te ao. Te reira te poi-poi

Te avatea. Te tahi teie parau e tau i te auraa i te huru o te taata e parau ra. No te taata rave òhipa, hora 6 i te poi-poi ra, ua avatea roa ia Areā i te taata hupehupe, noa atu e ua hora 10, e poi-poi noa a ia.

Te avatea, o te taime ia e maraa aè ai te mahana e tae atu i to na tiàraa. Ia na niā i te hora te hiò ra, e faaea te avatea i te hora àhuru ma piti. Eita rā e taa-huri atu i niā i te hora 4, mai teie e parauhia nei.

Te taharaa mahana. Te taime teie e haamata ai te mahana i te opa (taha) : mai te hora 1 e tae atu i te hora 4.

Te taperaa mahana. Te taime ia tei niā aè te mahana i te ìriatai, i te area no te hora 4 e tae atu i te hora 5.

Te toparaa mahana. Te taime ihoā ia e haamata ai te mahana i te moè i muri mai i te ìriatai.



TE TAIORAA HORA

pūhia.

Noa atu a e ua taa ia tātou te faanahoraa no te taiòraa hora, mea tano atoà rā te tahi mau vāhi rii ia haapā

Te hora tiā. Aita e fifi to te faaalteraa i te hora tiā, oia hoì te taime tei niā te àuri poto o te hora i te tahi



TE MAU HAPE E TANO IA FAAÂFAROHIA

nūmera e tei niā te āuri roa i te 12.

Ia āfa te hora. Aita atoā e fifi to te faāteraa i te taime e āfa ai te hora.

Hou te hora. Oia hoī, na mua aē i te hora. No reira e taiō ia i te rahiraa miniti e tae atu ai te āuri rahi i niā i te 12.

Mai teie te faanahoraa : E mea... miniti toe, e hora.... ai.

Ia maīri te hora. E piti faanahoraa e ravehia i ō nei :

1. E taiō i te rahiraa miniti hau i te hora tiā.

2. E taiō i te rahiraa miniti toe e tae atu ai te āuri rahi i niā i te 6, oia te āfa

No te faanahoraa matāmua : e mea...miniti i maīri i te hora... ; no te piti o te faanahoraa : e mea..... miniti toe e āfa ai te hora...

No te taime tupuraa o te tahi ōhipa. No te faāte noa i te hora, e ravehia ia te tahi o na faanahoraa e maha i niā nei. No te faāte rā i te ōhipa e tupu i te tahi taime, te mea ia ta tātou e hiō i teie nei.

NO TE FAATAA I TE TAIME I MURI NEI I TEI MAĪRI

Te tahi tau parau rii no te faataa i te taime i muri nei i tei maīri.

E toru parau ta tātou e hiō mai : rauaē - nanahi - ūanei.

No te taime i muri nei, e tuuhia te a i mua i teie mau parau, oia hoī no te faāteraa i te ōhipa tei ōre a i tupu.

A rauaē : e tae mai te pahī a rauaē.

A nanahi : e haamata te haa piiraa a nanahi.

A ūanei : a ūanei rātou e hoī ai.

No te faāte i te ōhipa i tupu e mono-noa-hia te a i te i. E atoā te parau ūanei, e ta



1. Te ōhipa e tupu, e tupu ia na mua aē i te hora. Ei hiō raa : Teie te hora : 15 miniti toe e hora 10 ai, mai te peu teie te hora e tae mai ai te manureva, teie te faanahoraa no te faāteraa i taua ōhipa ra : e tae mai te manureva 15 miniti na mua aē i te hora 10

Eiaha rā e parau faahou : e tae mai te manureva i te hora 15 miniti toe e hora 10 ai.

Teie te faanahoraa e ravehia no te faāte i te mau ōhipa atoā e tupu na mua aē i te hora.

2. Te ōhipa i tupu, ua tupu ia i muri aē i te hora, oia hoī ia maīri te hora tiā.

Ei hiōraa : 15 miniti i maīri i te hora 10 : : mai te peu teie te hora i tae mai ai te manureva, teie te faanahoraa no te faāteraa i taua ōhipa ra : ua tae mai te manureva 15 miniti i muri aē i te hora 10.

Eiaha rā e parau faahou : ua tae mai te manureva i te hora 15 miniti i maīri i te hora 10.

EI HAAPOTORAA

E ravehia te faanahoraa matāmua no te ōhipa e tupu *hou te hora tiā*, ārea te piti ra, no te ōhipa ia i tupu i muri aē i te hora tiā.

Turo a Raapoto

